

Ro Ta Paulus Ibeede Pizin Kolosi

¹⁻² Nio Paulus. Anutu itunu leleene mi iur yo ma aŋwe ŋgoŋana ki Yesu Kriŋi. Niamru gaabaŋoŋ Timoti ta ambeede ro ti ima piom toŋmatiziŋ ki kar Kolosi ta kewe Anutu wal kini potomŋan kek, mi kuurla ki Yesu Kriŋi ma kesekap la kini i.

Tamanda Anutu ko ikampe yom, mi imboro yom ma kombot ambai. Ŋonoono.

Paulus leleene ambai pa Anutu mi ipakuri pizin Kolosi kan

³ Gorgori ta niam amzuŋzuŋ mi ŋgar tiam ikam yom na, leleyam ambai pa Anutu ta Merere kiti Yesu Kriŋi Tamaana na, mi ampakurkuri.

⁴⁻⁵ Pa amleŋ uruyom kembei kuurla ki Yesu Kriŋi mi kesekap la kini, mi ku'urur leleyom pa Anutu wal kini potomŋan ta boozomen. Mi mbulu tiom tana, kakamam paso, ku'urur motoyom pa koron ambaiŋana ta Anutu iparaŋraŋ piom ma izza yom ta saamba a. Koron tana, indeeŋe ta tiso yom pa sua ŋonoono ki uruunu ambaiŋana na, keleŋ ka sua.✧

⁶ Koozi, uruunu ambaiŋana tana izza ma ilala pa toono ta boozomen, mi ipiyotyooto ŋonoono ambaimbaiŋan. Mi mbulu raraate men ta iwedet piom tomini. Pa indeeŋe ta keleŋ sua ŋonoono ki uruunu ambaiŋana mata popoten mi kikilaala kat Anutu kampaŋana kini, mi imar imar ma indeeŋe

✧ **1:4-5:** Ep 1:13,15; Plm 5; 1Pe 1:4

koozi na, uruunu ambaiṅana ipiyotyooto ṅonoono ambaimbaiṅan ma iwedet la mazwoyom.

⁷ Gaabaṅoyam Epararas ta niam leleyam pini ilip, ta ikam ruṅguyam, mi iuulu yom ma ipaute yom kat pa kampaṅana ki Anutu. Ni mbesoṅo ambaiṅana ki Kriṣi, mi mataana izze pa uraata kini.✧

⁸ Mi ni iwit uruyom tomimi, mi iso yam pa mbulu ki leleyom par piom ta Bubunana ipiyotyooto piom na.

Sunṅana ta Paulus ikamam pizin Kolosi

⁹ Tana indeeṅe ta amleṅ uruyom mata popoten mi imar na, amzemzem sunṅana piom som. Niam amwwi Anutu be izeebe yom pa ṅgar ambaimbaiṅan matakiṅa ta boozomen ta imarmar pa Bubunana na, mibe ikam yom ma kuute kat mbulu ta ni leleene pa i.✧

¹⁰ Naso kapa pai tiom ma indeeṅe men, mi kakam ma Merere zaana iwe biibi, mi mbulu tiom ta boozomen ko irao ni leleene. Pa urlaṅana tiom ko ipiyotyooto uraata ambaimbaiṅan matakiṅa ta kembei: Niom ko kakamam kat ṅgar pa Anutu, mi ṅgar tiom tana izze ma iwe biibi.✧

¹¹ Mi Anutu mburaana ko imap ma ise tiom, mi ipombolmbol yom. Tana niom ko kemender mbolṅana pa pataṅana ta boozomen, mi niyom gesges pa som.✧

¹² Mi ko leleyom ambai kat mi kapakurkur Tamanda Anutu. Pa ni ta ikam ma niomṅan wal kini potomṅan ta boozomen zoyom be kakam

✧ **1:7:** Kol 4:12; Plm 23 ✧ **1:9:** Ep 1:15+, 5:17; Pil 1:9 ✧ **1:10:** Yo 15:16; Ep 4:1+; Pil 1:27+; 1Tes 4:1 ✧ **1:11:** Ep 3:16

matamur kini ambainjana, mi kombot lela azunƙa kini leleene.✠

13 Mi ni ikamke iti pa zugut mburaana kek, mi ikam ti ma tombot lela peeze ki Lutuunu ta ni leleene pini ilip na.✠

14 Lutuunu tana, ta ingiimi iti ma tewe Anutu lene, mi ireege sanaana kiti.✠

Krisi iwe mataana pa koron ta boozomen

15 Anutu, iti tarao be tere i som. Mi Lutuunu, ni iswe kat Anutu runguunu piti.

Ni imuunƙu pa koron boozomen ta Anutu iur zin na ma iwe mataana pizin.✠

16 Pa ni ta iwe zaala pa koron ta boozomen ma tipet.

Koron saamba kan, mi koron toono kan.

Koron ta tere ki matanda, mi koron ta tarao be tere som.

Koron bibip mi mburannan, mi zin bubunan ta zannan mi tikamam peeze na.

Koron ta boozomen tana, Lutuunu ta iwe zaala pa ma tipet.

Mi timbot be timbeeze pini men.✠

17 Tana koron ta boozomen tipet zen na, ni imbotmbot pataana kek.

Mi ni ikiskis koron ta munjana men, ta timbotmbot i.

18 Zin wal ta timbot lela lupnana kini na, ni ta imuunƙu pizin, mi iwe uteene pizin, mi ikamam peeze pizin.

✠ **1:12:** Nƙo 26:18; Ep 1:11,18 ✠ **1:13:** Ep 2:2+; 1Tes 2:12; Ibr 2:14+; 1Pe 2:9 ✠ **1:14:** Ep 1:6+ ✠ **1:15:** Yo 1:18, 14:9; 2Kor 4:4; Ibr 1:3 ✠ **1:16:** Yo 1:1,3,10; Ro 11:36; Ibr 1:2; 1Pe 3:22

Ni ta iwe mataana.

Mi ni ta imuunḡu pizin wal meeteḡan, mi imanḡa pa naala.

Naso zaana ilip pa koronḡ ta boozomen.✧

¹⁹ Pa Anutu leleene be mburaana, zaana, mi mbulu kini ta munḡaana men imap ma imbot se ki Lutuunu.✧

²⁰ Mi Anutu leleene be ikam koronḡ boozomen ta timbot saamba mi toono na, ma timap timiili, mi ni ziḡan tiparlup zin ma tiwe tamen mini.

Tanata ikam ma itunu Lutuunu siḡiini ireere sala ke pambaaranḡana.✧

Munḡu zin Kolosi tiwe Anutu ka koi bizin. Mi koozi tiwe ni lene kek

²¹ Munḡu, niom kombotmbot molo pa Anutu. Pa mbulu tiom sananḡana, ta ipasansaana ḡgar tiom, mi ikam yom ma kewe Anutu ka koi bizin.✧

²² Mi koozi, ni ipunmeete malmal tana, mi ikam yom ma niomḡan kaparlup yom ma kewe tamen kek. Paso, ikam ma Krisi kuliini ire yoyouḡana mi imeete, bekena ikam yom ma kewe potomḡoyom ma ḡgeezenḡoyom. Naso leyom uunu sa isaana mini som, mi karao be kemender su kereene uunu.✧

²³ Tamen niom bela kikiskis urlanḡana tiom, mi kombol se, mi kemender mbolḡana. Tana kere: Kokena koronḡ sa iyaaru yom ma kezem koronḡ ambainḡana ta uruunu ambainḡana iso yom pa, mi ku'urur motoyom pa i. Uruunu ambainḡana tana,

✧ **1:18:** Ngo 26:23; 1Kor 15:20,23; Ep 1:22+; Tur 1:5 ✧ **1:19:** Yo

1:16; Ep 1:5 ✧ **1:20:** Ro 5:1,10; 2Kor 5:18+; Ep 1:10, 2:13; 1Yo 2:2

✧ **1:21:** Ro 5:10; Ep 2:3,12+ ✧ **1:22:** 2Kor 4:14; Ep 2:14+; Yud 23

ta tiso yom pa ma kelenj kek. Mi niom men som. Tisoayaara ma irao karkari ta boozomen. Mi nio Paulus anjwe mbesoonjo pa uruunu ambainjana tina.✧

Zaala tau Paulus imbesmbeeze pa lupņana ki Kriši

²⁴ Nonoono, buri ti nio anjbadbaada patanana boozomen isu toono ti, mi kulinj irre yoyouņana. Tamen lelenj ambai paso, patanana ta anjbadbaada i, ina be iuulu yom. Pa iti ta tombot lela lupņana ki Kriši na, bela tabaada patanana kembei ta ni. Mi patanana tana imap zen. Tana nio sombe anjbaada patanana pakan, ina ambai. Naso anjuulu zin wal ta timbot lela lupņana kini na. Pa zin ta tiwe kembei Kriši namaana, kumbuunu, mi koronņana ta boozomen.✧

²⁵ Anutu itunu ta iur yo ma anjwe mbesoonjo pa lupņana ki Kriši, mi iur uraata imar nomonj be anjwe kat sua kini piom.✧

²⁶ Ta munju munju mi imar na, sua tana ike. Mi koozi Anutu iswe pa wal kini potomņan ma imbot mat kek.✧

²⁷ Pa ni leleene be ipaute zin wal ta Yuda somņan i pa koronj turkeņana ta ndabokņana ma ilip. Koronj tana na, Kriši itunu ta imbotmbot la leleyom, mi ikamam yom ma ku'urur motoyom pa koronj ndabokbokņan ta ki kar saamba a.✧

²⁸ Tanata amzzoyaryaara Kriši uruunu pa tomtom ta boozomen, mi ampazalzal zin, mi ampaute

✧ **1:23:** Mk 16:15; Kol 1:6; Ro 10:18; Ep 3:17 ✧ **1:24:** 1Kor 12:27; 2Kor 1:6+; Ep 3:13; Pil 2:17; 2Tim 1:8 ✧ **1:25:** 1Kor 9:17; Ep 3:2,7,8 ✧ **1:26:** Ro 16:25+; 1Kor 2:7; Ep 3:3+; 2Tim 1:10 ✧ **1:27:** Ro 9:23; 2Kor 2:14

zin raama ngar ambaimbainan ta boozomen. Mi leleyam be amkam tomtom ta munjaana men ma tiwe Krisi lene, mi tirao kat pa Anutu ngar kini mi mbulu kini. Naso amrao be amur zin la ki Anutu, mi timender su kereene uunu.✧

²⁹ Tana nio ankelkel mi anzeebe kat uten pa uraata tio. Mi Krisi, ni ipombolmbol yo biibi pa itunu mburaana, mi ankamam uraata.✧

2

¹ Nio lelen be niom kuute ta kembei: Nio anbelmbel uraata bekena anjuulu yom, mi zin Laosisia kan, mi wal boozomen ta tire rungun zen na. ✧

² Pa anso anpombol leleyom, mi ankam yom ma leleyom par piom. Naso kaparlup yom ma kewe tamen, mi kakam kat ngar, mi kikilaala koron ndabokjana ta mungu ike, mi ingi Anutu iswe ma imbobot mat kek. Koron tana na, Krisi tau. ✧

³ Pa Anutu ngar kini ambaimbainan matakiņa boozomen ta turkenan i, ta imap ma imbobot kini. Tana tala kini, to ni ipeeze piti. ✧

⁴ Sua ti nio anso paso, anmoto: Kokena wal pakan tipakaam yom pa sua kizin mbuyeenejana. Nonono, tomtom pakan tiso wal tana len ngar biibi. Tamen som. ✧

⁵ Ingi nio itinan tombotmbot som. Tamen Bubujana ilup ti ma kembei ta anbotmbot raama yom. Mi anre kembei uraata ki Anutu iloondo ambai la mazwoyom, mi kuurla ki Krisi, mi urlajana

✧ **1:28:** Mt 5:48; Ep 4:13, 5:27 ✧ **1:29:** Ngo 20:20; 1Kor 15:10; Ep 3:7; Pil 4:13 ✧ **2:1:** Kol 4:13,16; Tur 3:11+ ✧ **2:2:** Ep 3:18+; Pil 1:9, 3:8 ✧ **2:3:** 1Kor 1:24,30; Ep 1:8, 3:19 ✧ **2:4:** Ro 16:17+; Ep 5:6

tiom tana imbol. Tanata ikam yo ma lelen ndabok.

☆

Krisi ta koronj nonoono. Tana tombol se kini

⁶⁻⁷ Niom kakam Yesu Krisi ma iwe Merere tiom kek. Tana ni bela ikam peeze pa pai tiom mi mbulu tiom, mi niom kakam mburoyom ila kini, kembei ke ta uraana isula kat toono leleene na. Kozo kombol se kini, kembei ruumu ta imender se kitiimbi mboljan. Naso urlanana tiom izze ma imbol, mi koto sua ta munju tikam piom na. Mi leleyom ndabok kat pa kampejana ki Anutu, mi kapakurkuri. ☆

⁸ Kere. Kokena wal pakan tiyaaru yom pa sua kizin soroksorok ta nono somjana i ma kewe mbe-soono sorok pa pakaamjana kizin tana. Nonoono, tomtom pakan tilej sua kizin na, tiso ina ngar nonoono. Tamen wal pakamkaamjan tana, titoto ngar ki Krisi som. Ina titoto ngar mi mbulu kizin tomtom men. Mi sua kizin, ina imar pizin bubunana sananjan ta ki toono ti. ☆

⁹ Mi Krisi na, Anutu ngar kini, mbulu kini, mburaana, mi koronj kini ta munjana men, ta imap ma ise kini, mi iwe tomtom kembei ta iti. ☆

¹⁰ Mi koronj boozomen ta zanjan mi mburanjan i, na ni imborro zin lup. Tana niom ta kewe Krisi lene kek mi kesekap la kini i, na ni izeebe yom pa koronj ambaimbaijan ta boozomen ki Anutu. ☆

¹¹ Mi niom ta kesekap la ki Krisi i, ta koto mbulu nonoono ki reetenana. Mi ina mbulu ta tomtom tikam pa naman na som. Reetenana nonoono, ina

☆ **2:5:** 1Kor 5:3, 14:40 ☆ **2:6-7:** Ep 2:20+, 3:17; 1Tes 5:18 ☆ **2:8:** Mk 7:3; Ga 4:3,9; 1Tim 4:1+; Ibr 13:9 ☆ **2:9:** Yo 1:14+; Kol 1:15,19 ☆ **2:10:** Ep 1:21+; 1Pe 3:22

mbulu ta Krisi ikam pa lelende. Pa ni ta itatke lelende munḡuḡana piti ma ila lene. ✧

¹² Ka zaala ta kembei: Indeeḡe ta kakam yok, ina kembei kagaaba Krisi pa meeteḡana kini ma titwi yom. Mi niom kuurla ki Anutu ta ipei Krisi ma imanḡa pa naala na mburaana, tana Anutu ipei yom tomini ma niomḡan Krisi kamḡa mini pa mbotḡana popoḡana. ✧

Uraata biibi ta Krisi ikam sala ke pambaaraḡana

¹³ Munḡu niom wal ta tireete yom som na, komololo Anutu tutu kini, mi leleyom munḡuḡana ikiskis yom. Tabe ikam ma kembei kemeete kek. Tamen Anutu ipei yom raama Krisi, mi koozi kakam mbotḡana popoḡana. Mi ni ireege sanaana kiti ta munḡaana men ma tila len lup. ✧

¹⁴ Munḡu iti lende mbun biibi kat pa tutu boozomen ta tomololo na. Tabe tutu iwe kembei kanda koi. Pa iwe uunu piti be Anutu iur kadoono piti. Mi inḡi kembei tutu boozomen ta tomololo na, tibeede se ro mi Anutu ipun sala ke pambaaraḡana lup kek bekena ikot mbun kiti tana. ✧

¹⁵ Mi zin bubuḡana sananḡan ramaki koron boozomen ta mburanḡan mi zanḡan na, Anutu isan mburu kizin malmal kana ma isu len lup, mi ipunmeete mburan ma imap kek. Mi iyaaru zin mi ipamianḡ zin ila iwal biibi matan. Paso Krisi ilip pizin kek. ✧

Tutu soroksorok ko iuulu iti be tuute Anutu na som

✧ **2:11:** Ro 2:29, 6:6; Ep 4:22; Pil 3:3 ✧ **2:12:** Ro 6:3+; Ep 2:6, 3:7; Kol 3:1+ ✧ **2:13:** Mbo 103:3; Ep 2:1,5,11 ✧ **2:14:** Ep 2:14+; 1Pe 2:24 ✧ **2:15:** Un 3:15; Lu 11:22; Yo 12:31; Kol 1:13

16 Tana sombe wal pakan tiyo kwon piom pa koronj ta kakanan mi kiwinin na, mi kwon imbol be koto zin pa sunjana bibip, sunjana ta iwedet pa puulu i, mi aigule potomjana kizin Yuda tau keten su pa i, na kakam ngar pa sua kizin pepe. ✧

17 Pa tutu boozomen ta kembei, ina koronj nonoono som. Ina tiwe kin men pa koronj nonoono ta ipet kaimer. Mi Kresi ta koronj nonoono. ✧

18 Wal pakan na, lelen ilip be tikam patajana pa zitun kulin mi titoto tutu soroksorok boozo. Pa tindemeere kembei mbulu tana ko iuulu zin be tiyamaana kembei timbot kar saamba mi tigaaba zin anjela pa sunjana kizin. Wal tana, sombe tomtom kizin sa ipakur itunu pa miujana ta ire na, mi irepiili yom, na kakam ngar boozo pa sua kini pepe. Pa ina, ni izzo sorok. Ngar kini tana, ina ngar ki toono men.

19 Tomtom ta kembena, ni isekap la ki Kresi mini som. Mi iti tuute: Kresi, ni iwe kembei ta utende be ikam peeze piti. Mi iti na, kembei ta ni namaana ma kumbuunu mi koronjana ta boozomen. Mi ni ipombolmbol iti kembei ta kini, mi ikiskis ti kembei ta mazanda ikis tirondo. Naso Anutu ipombol ti ma urlajana kiti izze, mi lupjana ki Kresi imbol ma iwe biibi. ✧

20 Niomjan Kresi kemeete mi kamap pa mbotjana mungujana kek. Tana zin bubujana mburanjan ta ki toono ti zan be timboro yom mini som. Nakena uunu parei ta kelenjen la tutu soroksorok ta ki toono ti? ✧

✧ **2:16:** Mk 7:19; Ro 14:3+; 1Kor 8:8; Ga 4:10; Tit 1:14+ ✧ **2:17:** Ibr 8:5, 10:1 ✧ **2:19:** Ep 1:22, 2:21, 4:15+ ✧ **2:20:** Ro 6:6; Ga 4:3+, 4:9

²¹ Tutu ta kembei: “Koronj tingi, keteege pepe, kakan pepe, kakam pepe.” ☆

²² Kere. Tutu boozomen ta kembei tiso pa koronj ta takam uraata pa rimen to imap. Tana tutu ta kembei tiwedet pa tomtom zitun ngar kizin men. Ina sua kizin tomtom men. ☆

²³ Nonoono, tutu ta kembei na, wal pakan tiso ko ngar ambainjana. Pa tindemeere ta kembei: Sombe zitun tiru len zaala pa Anutu, mi tikoto zitun, mi tikam patanjana pa zitun kulin, nako tiwe potomjan mi timbeeze kat pa Anutu. Tamen mbulu ta kembei irao iuulu iti be tayaraama mbulu sananjana ki kulindi na som. Ina ikam ma nindi se sorok.

3

Tuur lelende pa koronj saamba kan men

¹ Anutu, ni ipei yom ma niomjan Krisi kamanga pa mbotjana poponjana kek. Tana kakam kinkiini pa koronj saamba kan men. Pa kar tana, ta Krisi imbotmbot pa, mi mbuleene su Anutu namaana woono. ☆

² Tana kakam ngar biibi pa koronj ki toono mini pepe. Ngar tiom imap ma ilala pa koronj ta imbot kor a men. ☆

³ Pa niom kemeete ma kamap pa mbotjana munjonjana kek. Mi mbotjana tiom uunu nonoono, ina imbot la ki Anutu. Tamen ipet kat mat zen. Mi ni iparanjan piom kek, mi mbotjana tana imbotmbot raama Krisi mi izza yom. ☆

☆ **2:21:** 1Tim 4:1+ ☆ **2:22:** Mt 15:9+ ☆ **3:1:** Mbo 110:1; Mk 16:19; Ep 1:20, 2:6; Pil 3:20+; Kol 2:12 ☆ **3:2:** Mt 6:33; Ro 8:5
 ☆ **3:3:** Ro 6:2; 2Kor 5:14+; Ga 2:20

4 Mi kaimer, sombe Krisi imar mini ma ipet mat, tona mbotɲana tiom tana ko ipet mat tomini raama azunɲa biibi. Pa mbotɲana tiom uunu ŋonoona na, imbot la kini tau. ✧

Tezem mbulu muɲɲana ma imborene

5 Tana mbulu boozomen ki toono ta imbot la leleyom na, kupunmetmeete. Mbulu ta kembei: Mbulu ki unɲanol, mbulu ta inɲeeze som, mbulu ki nindi izze pa mbulu sananɲana, mbulu ki tu'urur lelende pa koronɲ sananɲan, mi mbulu ki matanda koronɲanda. Kere. Mbulu ki matanda koronɲanda, ina kembei tembeeze pa merere pakaamɲana. ✧

6 Pa zin wal ta so tizorzooro mi tinoknok mbulu ta kembena, na Anutu kete malmalɲana kini ko ise kizin. ✧

7 Muɲgu niom tomini, mbulu mi mbotɲana tiom ta kembena. ✧

8 Tamen koozi na, niom bela kezem mbulu sananɲan ta boozomen. Mbulu ta kembei: Mbulu ki tikiskis ketende malmalɲana, mbulu ki lelende tataɲa, mbulu ki tu'urur koi, mbulu ki tiwirri sua sananɲana pizin tomtom, mi kombol kamɲana. Tana sua sananɲana sa irao ipet pa kwoyom pepe. ✧

9-10 Mi kaparpakamkaam yom pepe. Pa niom kezem leleyom muɲɲana ramaki ka mbulu ma imborene, mi leleyom iwe poponɲana kek. Mi Anutu ta ikam yom ma kewe poponɲoyom, ta koozi ikamam uraata pa leleyom be itooro kat yom ma

✧ **3:4:** 1Kor 15:43; Pil 1:21, 3:21; 1Yo 3:2 ✧ **3:5:** Ro 6:11+, 8:13; Ga 5:24; Ep 4:22, 5:3+; 1Tes 4:5 ✧ **3:6:** Ro 1:18; Ep 5:6 ✧ **3:7:** Ro 6:19+, 7:5; 1Kor 6:11; Ep 2:2+; 1Pe 4:3 ✧ **3:8:** 2Kor 7:1; Ep 4:22,25+, 5:4; Ibr 12:1; 1Pe 2:1

kewe kembei ta ni itunu. Naso ngar tiom iwedet, mi ila ila ma kuute kati. ☆

¹¹ Iti wal ta tewe poponanda kek na, iti ta boozomen raraate men. Sa ambainana ma ilip na som. Tana sombe iti Grik, som iti Yuda, som toto mbulu ki reetana, som toto som, som takankaana pa kalanda biibi, som tamar pa lele pakaana ki Skitia, * som tomtom toro imboro iti ma tewe mbesono pini, som tomtom itundu, na koron ta boozomen tana, koron sorok. Mi Kresi ta imbot la iti wal urlanda ta boozomen lelende i, ta koron biibi mi koron nonono. ☆

Tewe Anutu wal kini potoman kek. Tana matanda ingal be teswe mbulu kini

¹²⁻¹³ Anutu, ni lelene piom, mi ipeikat yom ma kewe wal kini potoman kek. Tana kezebe yom pa mbulu kini ta kembei: Kumunainai zin tomtom, kakampewe zin, leynom nger pizin, mi kokototo ituyom. Mi sombe wal pakan tikam noobo yom, na keteyom malmal pizin pepe. Leleynom ambai pizin, mi kabaada men. Mi sombe leleynom sa pa wal pakan, na motoyom kiskis sanaana kizin pepe. Kuurpe leleynom pizin, mi motoyom mbirizikaala sanaana kizin, kembei ta Merere ireege sanaana tiom mi mataana imbirizikaala. ☆

☆ **3:9-10:** Un 1:26; Ro 12:2; Ep 2:10, 4:22+ * **3:11:** Zin wal ta timar pa lele pakaana ki Skitia na, wal ta boozomen tirepilpiili zin. Tiso zin kankaanan kat, len ngar som, tipet zen, mi zin sorokan kat. Tamen Paulus iso ta kembei: Zin Skitia kan, sombe tiurla ki Kresi, na Anutu ire zin raraate kembei zin Grik mi Yuda ta tiurla.

☆ **3:11:** Ro 10:12; 1Kor 7:19; Ga 3:28; Ep 1:23 ☆ **3:12-13:** Mk 11:25; Ga 5:22; Ep 4:1,2,32, 5:2; Pil 2:1; 1Pe 2:9

14 Mi mbulu ambaimbaiṅan ta boozomen tana na, kopombol pa mbulu ki lelende par piti. Pa ina iurpe mbulu ta boozomen ma tinḡeeze men, mi ilup ti ma tewe tamen. ✧

15 Kriṣi, ni ikam ma niomṅan Anutu kaparlup yom ma kewe tamen kek. Tana mbulu luumuṅana kini bela ikam peeze pa leleyom, mi iso yom pa mbulu tabe kakam pizin tomtom. Naso kulup yom ma kewe kembei ta tomtom tamen. Pa mbulu ta kembei, ta Anutu iboobo yom pa. Mi leleyom ambai pa kampeṅana ki Anutu, mi kapakurkuri. ✧

16 Sua ndabokṅana ki Kriṣi bela izeebe leleyom ma bok kat. Tana kaparpazalzal yom, mi kaparpaute yom pa sua tana. Mi sombe kakam ta kembei, na kakam kat raama ṅgar. Mi leleyom ambai pa Anutu, mi kombo mboe matakiṅa be kapakuri. Kombo mboe ta imbot la sua ki Merere na, mi mboe sunṅana kana, mi mboe popoṅan tau imar pa Bubunṅana na tomini. ✧

17 Mi sua tiom, mi uraata tiom, ramaki mbulu tiom ta boozomen na, bela indeeṅe men pa Merere Yesu ṅgar kini, mi ipakur ni zaana. Mi leleyom ambai pa Tamanda Anutu, mi kapakurkuri pa Yesu zaana. ✧

Mbulu tabe takam pizin tomtom
(*Ep 5:22-6:9; 1Pe 2:18-3:7*)

18 Niom moori na, kokototo ituyom mi kombot la kusiyom bizin kopon mbarman. Pa ina mbulu tabe Merere wal kini tikam. ✧

✧ **3:14:** Yo 15:12; Ro 13:8+; 1Kor 13:13; Ep 4:3; Kol 2:2 ✧ **3:15:** Yo 14:27+; 1Kor 12:13; Ep 2:16+, 4:4; Pil 4:7 ✧ **3:16:** 1Kor 14:15,26; Ep 5:19+ ✧ **3:17:** 1Kor 10:31; 1Tes 5:18; Ibr 13:15 ✧ **3:18:** 1Kor 14:34+; Tit 2:5

¹⁹ Mi niom tomooto na, ku'urur leleyom pa kusiyom bizin, mi kapasaana lelen pepe.

²⁰ Niom pikin na, kelenjen la tomoyom ma noyom bizin kaljan pa koronj ta boozomen. Pa Merere, ni leleene pa mbulu ta kembei.

²¹ Mi niom tomooto na, kapasom lutuyom bizin pepe. Kokena lelen isaana ma tiyamaana kembei tiraom som.

²² Mi niom mbesoŋo na, kelenjen la bibip tiom kaljan pa koronj ta boozomen. Kokena kakam pakaamjana pa uraata tiom ta kembei: Sombe kere bibip tiom tima, to kakam kat uraata pa matan bekana kakam lelen. Mi so tizem yom mi tila len, to kakam kat uraata mini som. Kakam kembena pepe. Komototo Merere mi kelenjen la kaljaana, mi kakam kat uraata tiom raama leleyom. ☆

²³ Tana uraata pareipareijan ta niom so kakam, na kakam kat raama leleyom. Pa niom kakamam uraata pizin tomtom men som. Ina kakamam pa Merere.

²⁴ Tana kaimer Merere itunu ko ikam matamur kini ambaijana ma iwe leyyom kadoono. Pa Biibi tiom ŋonoono ta kembesmbeeze pini i, na Merere Kriŋi tau. ☆

²⁵ Mi sombe tomtom sa ikam ŋoobo mbulu, na ni kola ire ka kadoono. Pa Merere ilae ki tomtom sa som. Sombe itiiri zin tomtom pa mbulu kizin, na ito zaala tamen pa tomtom ta boozomen. ☆

4

¹ Mi niom bibip na, motoyom ingal be kere zin

☆ **3:22:** 1Tim 6:1; Tit 2:9 ☆ **3:24:** Mt 16:27 ☆ **3:25:** Lo 10:17; Nŋo 10:34; Ro 2:11; 2Kor 5:10; 1Pe 1:17

mbesoŋo tiom pa mboti kizin, mi kakam mbulu ndeeŋeŋana men pizin. Pa niom kuute: Niom tomini, leyom Biibi ta imbot saamba a. ✧

² Mi sunŋana na, kezem pepe. Kikiskis totomen. Tana motoyom izze, mi kuzunzun raama leleyom ambai pa Anutu. ✧

³ Mi motoyom ingalŋgal yam tomini pa sunŋana. Kusun pa Anutu be ikaaga kataama piam. Naso amrao amsoyaara sua ki Kriŋi ta muŋgu ike mi inŋi ipet mat kek na. Nio, tiur yo lela ruumu sanaana ti paso, aŋkamam sua tana pizin tomtom. ✧

⁴ Mi kusun pa Anutu be iuulu yo ma aŋzzo katkat sua. Naso tomtom timbot mat pa ka ŋgar. Pa Anutu leleene be aŋkam ta kembei.

⁵ Zin wal ta timbot lela lupŋana ki Kriŋi zen na, mbulu mi sua ta so kakam pizin, na kakam raama ŋgar. Mi sombe karao be kakam mbulu ambaiŋana sa, na kakam pataaŋa. ✧

⁶ Mi motoyom ingal be koso sua ambaiŋana men ta ambai pizin tomtom talŋan mi irao pa ŋgar kizin. Naso karao be kepekel wiŋana kizin, mi zin ko lelen pa sua tiom kembei ta kini ambaiŋana ta tai ise ma ikamam ŋgurende i. ✧

Sua sotaaraŋana pakan

⁷ Toŋmatiziŋ kiti Tikikus, ta nio lelen pini ilip, ni ko isotaara yom pa mbotŋana tio. Ni mataana izze pa uraata, mi igabgaaba yo ma niamru ambesmbeeze pa Merere. ✧

✧ **4:1:** Wkp 25:43; Ep 6:9 ✧ **4:2:** Ro 12:12; Ep 6:18; Pil 4:6; 1Tes 5:17 ✧ **4:3:** Ro 15:30; Ep 3:1, 6:19+ ✧ **4:5:** Ep 5:15+; 1Tes 4:11+ ✧ **4:6:** Mk 9:50; Ep 4:29; Kol 3:16; 1Pe 3:15 ✧ **4:7:** Ngo 20:4; 2Tim 4:12

⁸ Nio inḡi anḡo i ma ima bekena ipaute yom pa mbotḡana tiam, mibe ipombol yom. ✧

⁹ Mi ni itutamen som. Tomtom tiom ta, Onesimus, ko igaabi ma ziru tima. Onesimus, ni toḡmatiziḡ kiti ḡonoono, mi leleyam pini ilip. Mi ni tomini mataana izze pa uraata. Ziru sombe tima tipet, tona tisotaara yom pa mbulu boozomen ta iwedet su lele ti. ✧

¹⁰ Aristakus ta niamru ambotmbot lela ruumu sanaana na, ni ikam aigule kini piom. Mi Markus ta Panabas tiziini na, ni tomini ikam aigule kini piom. Niom kelenḡ sua sotaaraḡana pini kek ta kembei: Sombe ima, na kakami. ✧

¹¹ Mi Yesu ta zaana toro Yastas na, ni ikam aigule kini piom tomini. Yuda tel tana tipombolmbol kat yo. Pa zin men ta tigabgaaba yo, mi niamḡan amkamam uraata pa peeze ki Anutu. Mi Yuda pakan na som.

¹² Tomtom tiom toro, Epaparas, ni tomini ikam aigule kini piom. Ni mbesooḡo ki Yesu Krisi, mi imbelmbel sunḡana piom be koto Anutu leleene pa koronḡ ta boozomen, mibe urlaḡana tiom izze ma imbol mi karao kat pa Anutu ḡnar kini mi mbulu kini. ✧

¹³ Mbulu ki Epaparas, nio itunḡ anḡre kat kek. Ni imbelmbel uraata piom, mi zin Laodisia kan, mi zin Hierapolis kan.

¹⁴ Mi Lukas ta ikamam uraata pa mete kizin tomtom mi niam leleyam pini ilip na, ziru Demas tikam aigule kizin piom tomini. ✧

✧ **4:8:** Ep 6:21+ ✧ **4:9:** Plm 10+ ✧ **4:10:** Nḡo 12:12,25, 13:13, 15:37+, 19:29, 27:2; Plm 24 ✧ **4:12:** Kol 1:7; Plm 23 ✧ **4:14:** 2Tim 4:10+

¹⁵ Kakam aigule tio pizin tonmatiziŋ kiti ta timbot kar Laodisia na, mi moori ta zaana Nimpa na, mi zin wal ta tiluplup zin pa sunŋana lela ruumu kini na.

¹⁶ Ro tiŋgi, sombe tipaata ma kelej, tona ke-sengeere mini ma ila kizin Laodisia kan be zin tomimi tipaata. Mi sombe zin tikam ro ta aŋbeede pizin na ma tima, to niom kadoono kapaata.

¹⁷ Koso pa Arkipus ta kembei: “Uraata ta Merere iur ma nomom na, motom iŋgal be kam kat mi posop.” ☆

¹⁸ Ingi nio Paulus itun aŋbeede aigule tio ti. Motoyom iŋgal yo. Pa iŋgi aŋbotmbot lela ruumu sanaana.

Kampeŋana ki Anutu ko ise tiom. Ŋonoono. ☆

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593